

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 462562 24 St
Tuzla, 10.01.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom D.O.O. „GAST“ PROMET, ul. Sviračka b.b., Gradačac, nakon provedenog stečajnog postupka, donio je dana 10.01.2025. godine sljedeće:

RJEŠENJE

OTVARA SE stečajni postupak nad imovinom dužnika D.O.O. „GAST“ PROMET, ul. Sviračka b.b., Gradačac, matični broj subjekta 1-11586, JIB: 4209507900004, račun broj: 1610250012000014 otvoren kod Raiffeisen bank d.d. Sarajevo.

Za stečajnog upravnika imenuje se Nedim Unkić iz Gradačca.

ZAKLJUČUJE SE stečajni postupak nad imovinom dužnika D.O.O. „GAST“ PROMET, ul. Sviračka b.b., Gradačac, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 462562 24 St od 10.05.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva D.O.O. „GAST“ PROMET, ul. Sviračka b.b., Gradačac, a za privremenog stečajnog upravnika imenovana je Nedim Unkić iz Gradačca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 05.06.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne posluje od 2019. godine. Iz pribavljene dokumentacije proizilazi da društvo ima obaveze prema PU KPU Tuzla u iznosu od 24.110,70 KM, uz napomenu da prema posljednjem finansijskom izvještaju obaveze društva ukupno iznose 68.419,00 KM, međutim da su u navedene uključene i obaveze prema dobavljačima a većina tih obaveza je nastala prije 2018. godine tako da su iste i zastarjele. Društvo nema bilo kakve imovine iz koje bi se mogli finansirati troškovi stečajnog postupka, nema nepokretnosti s obzirom da je djelatnost obavljala u prostoru uz stambeni objekat osnivača društva, nema pokretnih stvari niti novčanih sredstava, a u pogledu potraživanja konstatovana su potraživanja prema društvima EMSS d.o.o. i Karakan d.o.o. koja su utužena 2007. godine ali koja su nenaplativa. Blokada računa društva je nastupila po nalogu UIO BH radi potraživanja od 30,00 KM koje je i izmireno, dok je potraživanje PU F BiH dospjelo sa dostavom rješenja Ministarstva finansija od 12.01.2024. godine, pa kako je prijedlog za pokretanje stečaja podnesen 03.04.2024. godine to je iskazan zaključak da je prijedlog podnesen u roku od 60 dana od nastupanja platežne nesposobnosti.

Dakle, sud nalazi da je podnosilac prijedloga za otvaranje stečajnog postupka podnio prijedlog u roku od 60 dana od dana nastupanja platežne nesposobnosti (prijedlog podnesen 03.04.2024. godine),

da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 04.07.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 7.862,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 55/24 dana 17.07.2024. godine, oglasnoj tabli suda dana 05.07.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.